

STREEK ORANJE EN STREEK FLAMINKE KUIER SAAM

Ons buurstreek Streek Flamink is onlangs deur Tikwe Lodge by Virginia uitgenooi om daar te kom kamp terwyl die Waterfees daar aangebied is op die naweek van 27 – 29 September 2013. Op hulle beurt het Streek Flamink die uitnodiging uitgebrei en is ons Streek ook uitgenooi om saam met hulle te kamp die naweek.

Dit was dan ook weer 'n heerlike geleentheid waar ons 2 Streke kon saam kuier. Wat die naweek baie besonders gemaak het was die feit dat 2 stoere lede, naamlik Flip en Annatjie Snyman, hulle afskeids kamp saam met die Flaminke kon bywoon. Flip was ook vroeër 'n lid van Streek Oranje voordat hy na Welkom geskuif het en oorgedra is na Streek Flamink.



Hier is Flip en Annatjie Snyman (2de paartjie van links) saam met Streek Flamink se lede en gaste wat saam gekamp het.



Hier is Flip en Annatjie Snyman (2de paartjie van regs) saam met Streek Oranje se lede en gaste wat saam gekamp het.

Vrydagaand het Flaminke heerlike wors broodjies bedien vir aandete en Sondag het hulle poeding bedien. Dis nou maar een ding van hulle Voorsitter, Dollie Wilding, dat haar energie aansteeklik is en wanneer daar 'n geleentheid bestaan reël sy vinnig 'n aktiwiteit of twee!

Saterdagaand na die saam braai het sy ons opkommandeer om om die kampvuur heerlik saam te sing met Lilla Sander van Oranje en Sanet Botha van die Flaminke wat ons begelei het met die trekklavier en kitaar.



Daar was ook tyd om 'n koel lafenis in die netjiese restaurant en kroeg van die oord te geniet. Hier sit 'n paar van Oranje se lede nl. Lilla Sander, Johan Crous, Magda Crous en Belinda Meyer.

Daar is Sondag, nadat ons 'n diens op Kruiskyk TV gevolg het, tydens die Voorsitterstee afskeid geneem van Flip en Annatjie. Dit was vir almal 'n baie hartseer oomblik om van 2 sulke dierbare mense afskeid te neem nadat hulle oor die jare heen diep spore getrap het in beide ons Streke en ons ook as Gebiedsvoorsitter verteenwoordig het op NUB.

Hulle het ook hulle 250ste Streek plaatjie ontvang van Dollie.



'n Hartseer oomblik as Flip en Annatjie afskeid neem van Dollie.

Daar was soos gewoonlik weer heerlike eetgoed saam met die Voorsitterstee bedien en is daar weggelê aan die verskeidenheid wat aangebied is.



Ai maar dit smaak darem net te lekker



Middagete was nie eers hierna nodig nie!!





Flaminke se voorstel Voorsitterspaar Dollie en Bennie Wilding lyk so half uitasem geëet!
Magies vol en ogies toe!

Streek Oranje sê weereens baie dankie aan Streek Flaminke vir die geleentheid om saam met hulle te kon kuier en ons skatkamer van mooi herinneringe saam met ons buurstreek nog voller te maak.